

Powšitkowne WOZJEWJENJA

njedźelu, 22. februara 2015

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu štwórtk, 26. februara, do Baćonja. Započnjemy w 19.00 hodź. z Božej mšu w cyrkwi. Při- zamknje so zhromadźizna na farje.

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa
5. rozprawa rewizijneje komisije
6. diskusija a schwalenje rozprawow
7. diskusija
8. zakónčenje / modlitwa

Jurij Špitank, předsyda TCM

Do a po hłownej zhromadźiznje změja člonoj skladnosć, swój lětni přinošk we wysokosći pjeć eurow zapłaćić.

Dalekubłanje člonow TCM a wosadnych radow

Wšitcy člonoj wosadnych radow w Budyskim dekanaće a Towarstwa Cyrila a Metoda z.t. (TCM) su njedźelu, 15. měrca, na dalekubłanje k temje, kak měli wěru w džensnišim swěće wobswědčeć, přeprašeni. Wone budže wot 8 do 10.20 hodź. na Chróšćanskej farje. Přednošk změje Matthias Mader z Drježdžanskeho biskopskeho ordinariata. Tež dalši zajimowani su wutrobnje na tute zarjadowanje witani. Wobdźělnicy móža w 7 hodź. (serbsce) abo w 10.30 hodź. (němsce) njedźelnu Božu mšu w Chróšćanskej cyrkwi wopytać.

„Cuzy być – hósć być – doma so čuć“

Lětuši rjad ekumeniskich póstnych seminarow w Smochčanskim Domje biskopa Bena steji pod hesłom „Cuzy być – hósć być – doma so čuć“. Póndźelu, 23. februara, rěka tema „Tuž wuhna jeho Jahwe ze zahrody Eden ...“ (Gen 3,23) – Migracija jako tema čłowjestwa. Zawodny přednošk změje dr. Lars-Arne Dannenberg. K temje „Wučehń ze swojeho kraja ...“ (Gen 12,1) – Migraciji jako bibliskej temje – wěnuje so póndźelu, 2. měrca, profesor dr. Matthias Albani. Posledni wječor w rjedže lětušich póstnych seminarow budže póndźelu, 9. měrca, pod temu „... sym cuzy był, a sće mje pohosćili“ (Mt 25,35) – Migracija jako teologisko-praktiska tema. Zawodne słowa změjjetaj Dietrich Gerstner a jezuitski pater Fridolin Pflüger. Započatk je stajnje w 19.30 hodź. Mjez sobuzarjadowarjemi je Towarstwo Cyrila a Metoda z.t.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 10. měrca, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 4. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóż chce wotewzaty być, njech to prošu zdžěli.

Duchowna hudźba k póstnemu časej

Koncert w rjedže duchowna hudźba budže njedzeli, 1. měrca, we 18 hodź. w Budyskej cyrkwi Našeje lubeje knjenje. Předstaji so prapremjera pasionskeje kantaty Budyskeho organista a komponista Feliksa Brojera, kotryž změje zdobom wumělski nawod. Twórbu „Rozpominanje Chrystoweho ćerpjenja“ zanjesu projektowy chór z Drježdźan, ansambl „chodophone“ a dalši instrumentalisća kaž tež Katrin Pehla-Döring (sopran), Tanja Donatec (alt), Mikołaj Walerych (tenor) a Gerald Schön (bas).

Zhromadne posćenje

Sonja Hrjehorjowa poskićuje tež lětsa w Sulšecach zhromadne dny posćenja po Buchingeru. Zawodny přednošk k tomu budže pjatk, 27. februara, w 19 hodź. w Sulšecach. Přeni kurs započnje so pjatk, 6. měrca, a skónči so štwórtk, 12. měrca, z łamanjom posćenja. Skupina zetka so stajnje dopołdnja wot 9 do 11 hodź. Druhi kurs budže wot pjatka, 13. měrca, hač do štwórtka, 19. měrca. Na tutej dnach zetka so skupina stajnje wot 17.30 do 19.30 hodź. Naprašowanja a pisomne přizjewjenja su móžne hač do pjatka, 27. februara, pola Sonje Hrjehorjowej, Sulšecy 42, 02997 Kulow, telefonowe čisło (03 57 25) 7 05 60.

Putniska jězba z busom do Mariazella

Mariazell w Awstriskej je hłowny cil našeje putniskeje jězby. Nimo toho chcemy wulkotny benediktinski klóšter Melk nad Dunajom, Narodny park Gesäuse a klóšter Admont wopytać. Předwidžane je tohorunja, zo wobhladamy sej z łódže luboznu krajinu Wachau a zo přebywamy w uniwersitnym městačku Krems. Přenocujemy stajnje w Mariazellu. Jězba wotměje so wot póndzela do soboty, 12. do 17. oktobra. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec

Do Fatimy z busom

Pytam dale za zajimcami, kiž bychu rady hnadowne městno Fatimu wopytali, ale z lětađom njeleća. Tutu putnisku jězbu bychmy za klětu planowali. Wona budže dwanaće dnjow trać. Zajimcy njech so prošu pola mje pod telefonowym čislom (03 59 35) 2 04 25 přizjewja.

T. Kubašec